



**KENYATAAN / SIARAN AKHBAR**  
Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
**Tel: 03-88877033 Faks: 03-88811008**



### **3,000 MERIAHKAN PUTRAJAYA PARKS DAY SEMPERNA SAMBUTAN HARI WILAYAH PERSEKUTUAN 2020**

**PUTRAJAYA, 23 Februari 2020** – Dianggarkan seramai 3,000 orang pengunjung memeriahkan program Putrajaya Park's Day anjuran Perbadanan Putrajaya (PPj) bertempat di Taman Wawasan, Presint 2 Putrajaya.

Majlis perasmian Putrajaya Parks Day disempurnakan oleh Menteri Wilayah Persekutuan, YB Tuan Haji Khalid bin Abd Samad. Turut hadir bersama, Presiden PPj, YBhg. Datuk Dr. Aminuddin bin Hassim dan Timbalan Ketua Setiausaha Kementerian Wilayah Persekutuan (KWP), YBhg. Wan Ahmad Uzair Bin Wan Sulaiman.

Majlis juga turut menyaksikan pelepasan seramai 2,200 orang peserta Larian santai SHERUN seawal jam 7.00 dengan jarak larian 2.5 km dan 5 km.

Dilhamkan daripada *World's Park Day* yang disambut di kebanyakan negara maju setiap tahun, Putrajaya Parks Day merupakan penganjuran kali ke-2 oleh PPj dalam usaha untuk menggalakkan orang ramai menggunakan kemudahan yang terdapat di taman-taman awam Putrajaya bagi tujuan riadah dan rekreasi. Acara ini juga dianjurkan bersempena dengan sambutan Hari Wilayah Persekutuan 2020.

Di samping itu, program ini merupakan salah satu tindakan di bawah Blueprint Masyarakat Sejahtera Putrajaya 2018-2022 dan Pelan Strategik Putrajaya 2016-2020 dalam merakyatkan taman-taman awam di Putrajaya, meningkatkan kehadiran pengunjung serta menjadikan Putrajaya sebagai destinasi pelancongan unggul dan berdaya saing melalui pembangunan produk pelancongan termasuk taman-taman awam dengan mengadakan aktiviti yang inovatif, unik serta mempunyai daya tarikan.

Bagi memeriahkan lagi acara, turut diadakan *Pets and Education Day* yang berkonsepkan *petting zoo* dan Jejak Taman Putrajaya yang mengetengahkan aktiviti permainan tradisional rakyat seperti Congkak, Tarik Upih, Capteh, Batu Seremban, Baling Selipar dan Sepak Raga. Aktiviti-aktiviti lain seperti sukan memanah tradisional, *treasure hunt*, aktiviti memanjat pokok, *branch walk*, *zip line* juga diadakan bagi memberikan sedikit kelainan buat pengunjung yang hadir. Di samping itu, terdapat reruai pameran agensi daripada Jabatan Landskap Negara, Institute

Landscape Architect Malaysia (ILAM), gerai-gerai jualan dan *food truck* menjual pelbagai juadah makanan serta minuman.

Maklumat lanjut berhubung Majlis Perasmian *Putrajaya Park's Day*, sila hubungi Pegawai Media, En. Mohd Fairus Bin Mohd Padzil di talian 03-8887 7347/019-3354346 atau En Ahmad Fazila Othman di talian 03-88877325/012-5761490.



**(TENGGU AINA BINTI TENGGU ISMAIL SHAH)**

Pengarah

Bahagian Komunikasi Korporat

Perbadanan Putrajaya

Tarikh: 20 Februari 2020

**ATUR CARA**  
**MAJLIS PERASMIAN PUTRAJAYA PARKS DAY 2020**  
**TAMAN WAWASAN PUTRAJAYA, PRESINT 2**

---

<b>MASA</b>	<b>ATUCARA</b>
<b>7.00 pagi</b>	<b><i>Pendaftaran peserta Larian Santai SHERUN "Gorgeous Girl"</i></b>
<b>7.30 pagi</b>	<b><i>Senaman Regangan</i></b>
<b>7.45 pagi</b>	<b><i>Ketibaan tetamu jemputan</i></b>
<b>7.50 pagi</b>	<b><i>Ketibaan YB Tuan Haji Khalid bin Abd Samad, Menteri Wilayah Persekutuan</i></b>
<b>8.00 pagi</b>	<b><i>Pelepasan peserta Larian Santai SHERUN "Gorgeous Girl" oleh YB Tuan Haji Khalid bin Abd Samad, Menteri Wilayah Persekutuan dan isteri</i></b>
<b>8.30 pagi</b>	<b><i>Melawat di zon Pocket Activity dan sekitar Taman Wawasan</i></b> <ul style="list-style-type: none"><li><b><i>• ARROW (Kejohanan Memanah Tradisional)</i></b></li><li><b><i>• Petting Zoo</i></b></li><li><b><i>• Amazing Tree Experience</i></b></li></ul>
<b>9.00 pagi</b>	<b><i>Majlis Perasmian Program Putrajaya Parks Day 2020 oleh YB Menteri Wilayah Persekutuan</i></b>
<b>10.00 pagi</b>	<b><i>YB Tuan Haji Khalid bin Abd Samad, Menteri Wilayah Persekutuan meninggalkan majlis dan bergerak ke Program Kenduri Rakyat Putrajaya 2020 di Kompleks Futsal, Presint 18 menaiki buggy dan diiringi oleh Unit Berkuda PPj</i></b>